

HÄNG MED

SPRÅKTÅGET!



**HEILU
KIELIJUNAN
MATKASSA!**

Meänkieli

Ette lukea ja kattoo kirjoja lapsen kans saattaa olla sekä hauska ja viihtyisää ja se stimyleeraa kans lapsen puhetta ja kieltä. Kun tet luetta ja puhutta siittä mitä tapahtuu kirjoissa silloin kehitty kans lapsen fanttaasi, keskityskyky ja komynikasjuunin kyky.

Lukekaa yhdessä

Kieli kasvaa yhteisoloissa muitten ihmisten kans. Anna lapsen olla aktiivi kun tet luetta yhdessä ja huomioi lapsen sanoja, ääniä ja viittauksia. Oota ja seuraa lasten temppeä, kiinnostusta ja reaksjuunia niin kirjanlukeminen tulee yhdä enemmän kieltä kehittävää.

1



2

Valitse kirja

Valitse kirjoja joita lapsi tykkää ette net on jänniä ja kiinnostavia ja jotka vastaavat lapsen kielikehityksen tasoa. Jos on vaikea valita sie aina saatat kysyä kirjastossa. Täällä sie saatat lainata kirjoja ilmhaiseks.

3

Tehe lukuaikea hauskaks ja viihtyisäks

Pitäkää mielelhään lukuaikea joka päivä – rauhalinen hetki kun tet kattotta ja luetta kirjoja. Istukaa lähelä ette saatatta pittää ruumis- ja silmäkontaktia, ja älä anna mithään muuta häiritä. Tet ette tartte lukea kirjaa pärmästä pärmhään. Vain istua ja plaavata ja antaa sanoja niile asioille mikkä kiinnostavat lasta. Se on hyvä tapa rakentaa kieltä.



”Puhelue” ja katto kuvia

Useasti saattaa olla helpompi kiinnittää lapsen huomion, jos sie ”puheluet”, siis kerrot omilla sanoilla, ja käytät eri ääniä, puhesävyjä ja viittauksia. Passaa päälle ja peekkaa ja praati kuvista. Se auttaa lasta seurata matkassa kertomuksessa ja antaa yhä lissää mahdollisuuksia oppia uusia sanoja.

4



5

Kertokaa yhdessä

Anna mielehään lapsen olla mukana ja selittää kun tet luetta, esimerkiks antamalla lapsen täyttää sanoja ja meininkiä eli vastata kysymykshiin. Passaa päälle ja vahvista ja rakena sitä mitä lapsi sanoo. Sillä tavala sie näytät kuinka lapsi saattaa kehittää kieltänsä. Kun oletta lukuheuet kirjan monta kertaa piian lapsi itte saattaa selittää koko histuurian kuvitten tapahtumitten kautta.



6

Lue, laula ja selitä lapsen kaikila kielilä

Tutkimus näyttää ette lapsi jolle luethaan saapi suureman sanavaraston ja ette pienet lapset saattavat oppia monta kieltä samala aikaa. Siis lue, laula ja kerro lapsele sinun ja lapsen kaikila kielilä. Se auttaa lapsen kielikehitystä.

7

Liity mukhaan Kielijunhaan

Lastenkirjoila sie saatat auttaa sinun lasta kehithään kielen kaikki osat, kun kielenymmäryy, sanavarasto, kramatiikki ja ääntäminen. Kysy kirjastossa Kielijunan kirjalistoja missä on tisiä sopivista kirjoista!

Se on ilmaista
lainata kirjoja
kirjastossa.
Tervetuloa!

Språktåget Kielijuna antaa neuvoja ja tipsiä vanheemile ja muile lapsen läheisyessä kuinka lasten puhe- ja kielikehitys saatetaan stimylerata. Kielijuna toppaa eri asemoissa missä lapsi saattaa kehittää eri osia omissa kielissään. Jokkut tarttevat seisahtaa vähän pitemphään jossaki asemassa, muut painavat menheen kätevämin. Kaikin saattavat ookata Kielijunassa!

Kielijuna on yhteistyö seuraavitten kesken: Biblioteks-utveckling Jämtland Härjedalen, kirjastot, logopedia, lastenterhveysshoito ja muita aktööriä. Tekstin on logopedit Elvira Ashby ja Linnea Anderberg ottanheet framile yhteistyössä Regionbibliotek Stockholmin kans.